



Më
Dana

09.10.2018

REPUBLIKA E KOSOVËS
REPUBLIKA KOSOVA - REPUBLIC OF KOSOVO
GJYKATA THEMELORE FERIZAJ

Numri i lëndës: 2018:009014

Datë: 07.03.2018

Numri i dokumentit: 00018650

NË EMËR TË POPULLIT

GJYKATA THEMELORE FERIZAJ DEPARTAMENTI I PËRGJITHSHËM
DIVIZIONI PENAL Sipas gjyqtarit Adem Shabani, me pjesëmarrjen e procesmbajtësit Blend Rexhepi në lëndën penale kundër të pandehurit [REDACTED] nga fshati [REDACTED] Komuna Ferizaj, me numër personal [REDACTED] për shkak të veprës penale uzurpim i paligjshëm i pronës së paluajtshme nga Neni 332 par. 1 të Kodit Penal të Republikës së Kosovës Nr.04/L-082 (KPRK), duke vendosur sipas aktakuzës së Prokuroria Themelore Ferizaj - Departamenti i përgjithshëm nr. PP.nr.308-5/14, të datës 20.10.2017 në seancën publike të shqyrtimit fillestar të mbajtur me datë 07.03.2018, në praninë e Prokurorit të Shtetit Bahri Hyseni, të pandehurit [REDACTED] të dëmtuarit [REDACTED] më datë mori dhe publikisht shpalli, ndërsa me datë 07.03.2018 përpiloi, këtë:

AKTGJYKIM

I akuzuari [REDACTED] nga fshati [REDACTED] Komuna Ferizaj, i lindur më [REDACTED], në të njëjtin vend, nga i ati [REDACTED] dhe e ëma [REDACTED] e gjinisë [REDACTED] shqiptar, shtetas i Republikës së Kosovës, i martuar, babë i katër fëmijëve, ka të kryer shkollën fillore, është në pension, i gjendjes së mesme ekonomike, mbrohet në liri, i padënuar deri me tani, me nr.personal [REDACTED]

ËSHTË FAJTOR

Sepse me datë 14.01.2014 në fshatin Sojevë Komuna Ferizaj në mënyrë të kundërligjshme ka uzurpuar pronën e paluajtshme – tokën bujqësore-livadh, të identifikuar me certifikatën kadastrale me numër 10926-2017 në sipërfaqe prej 65.95 m2, në vendin e quajtur “kodra”, zona kadastrale fshati Sojevë, pronë e të dëmtuarit [REDACTED] në atë mënyrë që

I akuzuari [REDAKTUAR], ka pranuar fajësinë për veprën penale që akuzohet si në dispozitiv të aktakuzës dhe në vazhdim ka deklaruar se unë që nga dita e sotme do ta liroj nëse ka uzurpim prone dhe të dëmtuarin nuk do ta pengoj në posedimin e lirë dhe të qetë, i kërkon falje të dëmtuarit për veprën që akuzohet dhe i ka premtuar Gjykatës që nuk do të përsërisë ndaj të dëmtuarit dhe ndaj askujt veprime inkriminuese dhe është hera e parë që ndeshm me ligjin.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPPK-së, është e bindur se i akuzuari e ka kuptuar natyrën dhe pasojat e pranimit të fajësisë, pranimin e ka bërë vullnetarisht duke e mbështetur në provat që përmban aktakuza dhe në materialet e prezantuara nga ana e prokurorit të shtetit.

Pas pranimit të fajësisë nga ana e të akuzuarit gjyqtari në kuptim të nenit 248 par.2 të KPPK-së ka kërkuar edhe mendimin e prokurorit të shtetit lidhur me pranimin e fajësisë, mbrojtësit dhe të dëmtuarit.

Prokurri i shtetit Bahri Hyseni ka theksuar se pajtohet me pranimin e fajësisë nga ana e të akuzuarit pasi i akuzuari e ka kuptuar natyrën dhe pasojat e pranimit të fajësisë, pranimin e ka bërë vullnetarisht dhe e ka mbështetur në faktet e çështjes që përmban akuza, në materialet e prezantuara nga prokurori i shtetit dhe pasi akuza nuk përmban asnjë shkelje ligjore pra pranimi i fajësisë është bërë konform ligjit.

I dëmtuari [REDAKTUAR] pajtohet me pranimin e fajësisë nga ana e të dëmtuarit dhe i propozojmë Gjykatës që në këtë fazë ta bëjë pranimin e fajësisë, pasi që i akuzuari ka deklaruar se unë do ta liroj pronën për të cilën akuzohem që unë nga dita e sotme në patundshmërinë time të jem i lirë dhe i qetë si çdo pronar në pasurinë e tyre. Po ashtu me të pandehurin jemi fqinjë dhe në të kaluarën nuk kemi pasur kurrfarë problemi sa i përket uzurpimeve të paluajtshmërisë.

Gjykata në shqyrtimin fillestar ka vetëuar se i akuzuari pranimin e fajësisë e ka mbështet në provat që gjenden në shkresat e kësaj lënde penale dhe ato: në certifikatën kadastrale me nr. 10926-17 të datës 06.02.2017 lëshuar nga Zyra Kadastrale në Ferizaj, në emër të të dëmtuarit, ku është evidentuar parcela P-72217082-00701-0, zona kadastrale Sojevë.

Vlerësuar nga aspekti juridik gjykata gjeti se në veprimet e të akuzuarit manifestohen të gjithë elementet e veprës penale uzurpim i paligjshëm i pronës së paluajtshme nga Neni 332 par. 1 të KPRK-së.

Me rastin e matjes së dënimit gjykata i ka pasur parasysh të gjitha rrethanat nga neni 73 dhe 74 i KPRK-së të cilat ndikojnë në zbutjen apo ashpërsimin e dënimit. Si rrethanë lehtësuese për të akuzuarin gjykata ka marrë për bazë pranimin e fajit nga i akuzuari, pendimin e tij, sjelljen korrekte të tij gjatë tërë procedurës, kërkim falje të dëmtuarit, premtimin se më nuk do ta pengoj në shfrytëzimin e pronës. Gjykata është e bindur se dënimi i shqiptuar si në dispozitiv të aktgjykimit është në harmoni me shkallën e përgjegjësisë penale të akuzuarit dhe peshën e veprës penale, kështu që dënimi i shqiptuar

denim me burg në kohëzgjatje prej 4 /katër/ muaj me kusht i cili dënim nuk do të ekzekutohet, po që se në afat prej 1 viti (koha e verifikimit) pas plotfuqishmërisë të këtij aktgjykimi nuk kryen ndonjë vepër tjetër penale, do arrihet qëllimi i dënimit i paraparë me nenin 41 të KPK-së, ai rehabilitues që i njëjti në të ardhmen të përmbahet nga kryerja porse të parandaloj edhe të tjerët që të kryejnë vepër penale si dhe reagimin shoqëror ndaj një veprimi të tillë.

Gjykata konform nenit 463 parag.1 lidhur me par 3.të KPPK-së të dëmtuarin [REDAKTUAR] nga Ferizaj rr. [REDAKTUAR] për realizimin e kërkesës pasurore-juridike e ka udhëzuar në kontest civil.


Vendimi mbi kompensimin e shpenzimeve të procedurës penale dhe paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së dhe nenit 39 parag.1 nën par. 3.1 të Ligjit për Kompenzimin e Viktmave të Krimit Nr.05/L-036.

Nga të cekurat më lartë u vendos si në dispozitiv të këtij aktgjykimi.

GJYKATA THEMELORE NË FERIZAJ
Departamenti i përgjithshëm-divizioni penal,
P.nr.2644/17, me datë 07.03.2018

Zyrtari Ligjor
Blend Rexhepi

Gjyqtari
Adem Shaban



KËSHILLA JURIDIKE: Kundër këtij aktgjykimi është e lejuar ankesa në afat prej 15 ditësh nga dita e pranimit, Gjykatës së Apelit në Prishtinë, përmes kësaj gjykate.